

Abonnement pour un an
1000 piastres

Edition spéciale 500 piastres

Adresse:

" IDJTIHAD ,, Constantinople

Téléph. St. 865

XXIème ANNÉE

15 Février 1926 — No 198

الاجتهاد

IDJTIHAD

علمی ، ادبی ، اقتصادی مجموعه

آبونمان : سنه لکی [۲۴ نسخه]
تورکیا ایچون ۲ ، خارج ایچون
۳ ، اعلا کاغدلیسی ه لیرادر .

اداره خانه سی :

جفال ، اوغلنده « اجتهاد نهوی »

تلفون : استانبول ۸۶۵

یکرمی برنجی سنه

نومرو ۱۹۸ - ۱۵ شباط ۱۹۲۶

عقل سلیم

مبحث 73 - اراده هزیه نك موجود اولاماسنده ، جمعيتك فنا آداملری تجزیه هقی اولادیهی استنتاج اولور ممالیدر .

« انسانلرك افعالی اضطرابی ایسه ، اكر انسانلر فاعل مختار دكلرسه ، جمعیت نه حقله ، جمعیتی تلویث ایدن فنا آداملری تجزیه ایدیور . باشقا دورلو حرکت ایده مه مش اولان کیمسه لری تجزیه ایتک پک غیر عادلانه دکلیدر ؛ اكر فنا آداملر فنا طبیعتلرینک الجالرینه کوره اضطرابی اولاراق فعل و حرکتده بولونیورلرسه جمعیت دخی بولنلری تجزیه ایده رك ، محافظه نفس آرزوسيله بالا اضطرابر فعل و حرکتده بولونمش اولور . بعضی شی objet لر زده اضطرابی اولاراق ألم حسنی حصوله کتیریر ؛ بوندن دولای فطرتمز ، بوشیلردن تنفر ایتیه بزى مجبور ایدر ، بوندن قاجینمه یه بزى دعوت ایدر . آجلقدن مضطرب اولان بر قاپلان پارچالاماق ، یمک ایسته دیکی انسانك اوزهرینه آتیلیر ؛ فقط انسان قاپلانندن قورقماقده حر دکلدر و قاپلانی اتلاف ایتک چاره لرین ، اضطرابی اولاراق آزار .

مبحث 74 - اراده هزیه لهنده کورستر بولن دلیللرك ردی .

« اكر هر شی ضروری ایسه ، انسانلرك خطالری ، اجتهادلری و فکرلری اضطرابیدر ؛ او حالده ناصل و نیچون انسانلری اصلاح ایتک ادعاسنده بولونوله بیلیر ؟ » انسانلرك خطالری ، قصورلری ، جهالتلرینک ضروری نتیجه لیدر ؛ جهالتلری ، تعندلری ، صافدر و نقللری تجربه سز لکلرینک ، اها لکلر لقلرینک ، آز دوشونمه لرینک نتایج ضروریه سیدر : نیته کیم احتقان دماغی ، یاخوله تارجیا [Léthargie] بعضی خسته لقلرك نتایج ضروریه سیدر . حقیقت ، تجربه ، ملاحظه ، عقل ، جهالتی ، تعصبی و بدلالقلری تشفییه خاص دوالردر : نیته کیم فساد [قان آله] هجوم دم دماغی بی تسکینه خاص در . فقط دییه جکسکیز که حقیقت ، بر چوق خسته قفاره نیچون بو

شفا کار تأثیری اجرا ایتیمور ؟ چونکه بتون دوالر مه مقاومت ایدن خسته لقلر واردر ، چونکه کندیلرینه و یریلن علاجلری آلامقدن امتناع ایدن معند خسته لری شفایاب ایتک غیر ممکن در ؛ چونکه بعضی کیمسه لرك منفعللری ، بعضی لرینک ده حاققلری حقیقتك قبولنه بالطبع ممانعت ایدر .

بر مؤثر ، تأثیرینی آنجا ق او زمان حصوله کتیریر که بو تأثیری ضعیفلاتان و یا خود بی سود قیلان دیکر مؤثرلر طرفندن اصلا انقطاعه اوغرا تیلماز . ضالته شیده منفعتدار ، وضالتهک لهنده وضعیت آلمش اولان و ملاحظه دن ، محاکمه دن امتناع ایدن انسانلره ک ای دلیللری ، برهانلری قبول ایتدیرمک غیر ممکن در .

فقط حقیقت کندیلرینی کمال اخلاص ایله آرایان تمیز روحلری ضالتهدن قورتارمق پک لابددر . حقیقت بر مؤثر [Cause] در ؛ آریه ، تأثیرلرینی دور دوران مؤثرلر اصلا کیرمه یه جک اولورسه حقیقت همه حال فعل و تأثیرینی حصوله کتیریر .

بزه دیورلر ، که انساندن اراده جزئییه قالدیرماق اونی ساده بر ما کینه ، بر اوتومات منزله سنه ایندیرمکدر ؛ حریتسز ، اختیارسز اولونجه اونده آرتق نه مزیت ، نه فضیلت بولونماز ؛ انساذه مزیت نه در ؛ همچنی نك افرادی نظرنده انسانی شایان حرمت قیلان بر طرز حرکتدر ، فضیلت نه در ؛ باشقالرینه ایملک ایتیه بزى سوق ایدن میل ، بر وضعیت روحیه [Disposition] در . بو قادر شایان آرزو ایزلر حصوله کتیرمه یه قابیلتی ما کنه لرك یاخود « اوتومات » لرك زهره سی شایان استحقار اولور ؟ Marc Aurèle ، روما ایمپراطور لئنک واسع ما کنه سنده فائده لی بر محرک ، بر زنبرك اولدی . زنبركلری بالذات کندی حرکتنی تسهیل ایدن برما کینه یی اسحققاره برما کنه نك نه حق واردر ؟ حسنات اربابی .. جمعیت ، سعاده دوغرو تمایلنده ، ظهیر اولان محرکر ، زنبركدر . فنا آداملر ، فنا وضع اولونمش ای یرلشدیر یله مش زنبركدر ، که جمعیتك انتظامی ، ایشله مه سنی ، آهنگنی اخلال ایدرلر . اكر کندی منفعتی ایچون جمعیت اییلری سور ، مکافاتلاندیر یوسه

فنا لری ده سسومز ، استحقاق ایدر و فائده سز ویا مضر
زبرکار ، یای لری کچی چقاریر آتار .

صحت 75 - اگر موجود اولسیدی الله پد هر
و مختار اولازدی ؛ بتونه دین لک فائده سز لکی اشته
بونده در .

جهان بر عامل اضطراری در ؛ جهانی ترکیب ایدن
جامد و یا ذی روح بتون موجودات یکدیگرینه مربوطدر ؛
عینی مؤثرلر طرفندن تحریک اولوندوقلری و عینی خاصه لره
مالک بولوندقلری مدتجه ، بوموجودات نه حال و حرکتده
ایسه لر او حال و حرکتده دوام ایتمه لری اضطراریدر ،
ضروریدر . خاصه لری ضایع ایدنجه ضروری و مجبوری
اولاراق باشقا دورلو فعل و حرکتده بولونورلر .

بر لحظه ایچون موجودیتی قبول اولونسه ، الله دخی
اصلا بر فاعل مختار اولاراق کوروله مز ؛ اگر بر الله
موجود اولسهیدی طرز حرکتی [مشیتی] ایسترایسته مز
فطر تنده مندیج مخصوصاته ، اوصافه تابع اولوردی ازلی ،
ابدی اولان بوزاتک ازلی و ابدی اوصاف و طبایعی اولور
واوصاف و طبایع حکمنجه حرکت ایتمکده الله مضطر
اولوردی ، هیچ برشی ارادتلری توقیف ویا تغییر ایتمک
قابلیتنده اولمازدی . بزکره بوبویه اولونجه نه بزم چالشیا
Action مز ، نه دعا لر مز ، نه قربانلر مز اونک غیر
متحول سیرین و اصلا دیکشمه یین مقاصدینی دور دور اماز
یا خود تغییر ایده مزدی . بوندن شو نتیجه یی چقارماق
مجبورینی واردر ، که بو حالحده دین لک جمله سی تماماً
غیر مفید اولوردی .

راهب میه

آناطولودن سسلر

استاد ، محیطم پک قراکتدر . بوظلمت ایجریسنده (اجتهد)ک
شعله نثار نورلری حیاته قطع ایده حکمز مرحله یی آیدینلا تمکده در .
اجتهاد محبم تزیاید ایتمکده در . چونکه عالی فکرلر ، یوکسک
پرنسیپل زرع ایدیور . حقیقت ایله خرافاتی تفریق ایدیور .
غایه سی خرافاتدن قور تولماقددر . روحلریز خرافات ایله دولمشدر .
اویوشمش روحلریزه آنجی اجتهد غدا ویرمکده در . تشبث
شخصی یی یکانه تلقین ایدن اجتهد در .

بولندیم محیطده اعتقاد دیه نه هدیالره میدان ویریلدیکنی
عرض ایده م . برماور ایله بایدبغمز مباحثه نتیجه سنده « انسانلک
سمادت و فلاکتی الله تقدیر ایدر . الله دهش خسته لقن مضطرب
اولسه م دو قوره مراجعت ایتمه حکم شفا و یرمک و یا خود اولدی یرمک
الله ندنر ، تقدیر الهی یی دو قور بوزاما ز » دیرک فالقوب
کیتمدی .

قانون محمدینک ممثلری اسلام ملتک سر مرشدلری اولسی ایجاب
ایدن مفتیلر [حسین آلماس] لملیه کندیلرنجه معلوم بر ترتیبیه جاهل
معموم اهالی یی اغفال و افساد ایتمکده درلر . هدیالری نه اعتقاد
ایتمه یلری تکفیر ، حقیقتی اظهار و اثباته جالیشانلری تلین ایدرلر .
چونکه حقیقتک اظهاری متفقرینه سدچکر . کنیش بردوشونجه یه
حر بر فکره دینسزک اسناد ایدیورلر .

ایشته اجتهد و منتسبلری بوابل اعتقادلری بو خرافاتلری
مغلوب ایتمک اوغراشه حمز . موفقیات عزم و ثباتده در تأیید حرمت
ایلم افندم . نرویه - وانی محمد شراف الدین

سوکلی استاد ، [صامسون دن]

بو هفته کی پوسته نک کتیردیکی استانبول غزته لردن (خالق)ک
مهاجرت سیاستی حقنده کی باش مقاله سنی بویوک برذوقله او قورکن
خاطریمه سز کدیکر و عبادیدم بو جوق مهم و حیاتی مسئله حقنده استادک
بر فکر مخصوصی ، بو بردلو یاشادیلما یان ایش حقنده برسویه یه جکی
وبرقاچ جانی کله سی یوقی . فائده یی یازیرله اجتهد صحیفه لرینک آجیق
اولدیغی بیلمزدکیم . غزته لک ، مأمورلک خلاصه هر کسک آغزندن
دوشمه یین برکله وار : مهاجرلری برآن اول مستحصل باقی . کوکل
ایستکه بو کوکل فکر ، بوفائده سز تنی رینه ، استحصال و تشبث
ساحه سنه کچمشلرک مقداری یازیسون . سوسلی برکله ، قوری
بروعد مبادلی تطمین ایتمکدن چوق اوزاقددر . مهاجرک درد یی بام
باشقه در . او برآن اول بو اؤم ، بوتار لاده بندردیمک ایسته یور .
ایکی سنه دهری شکلدن شکل کیرمن اسکان و تقویض ایشلری اصلک
اصوله فدا ایدلدیکنی کوسترمکده در . اساسی راقوب تفرعاله
اوغراشماق مع التأسف هیچ بروقت ترک ایده مه دیکمز براداره
سیسته میدر . مبادلی ، بالذلی تصورلر ، یکی یکی تعلیماتمه لردکل ،
تقویض ساحه سنده ، قطعی و سرعت تطمین و ترفیه ایدر . یوقلده
بوگولماغی اکلارم فقط زنکین پروارلقده شاشیروب قالفه هیچ
عقلم ایرمز . صامسون املاک و اراضی اعتباریه چوق زنکیندر
او قدرکه موجود مبادلک برقاچ مثلنه هم مکان و همده ایش واستحصال
ساحه سی اولور . حالبوکه شمعی یه قدر عادی اسکان دن برآدم ایلری یه
کیدیله مه مش ، قطعی تصرف حق کیمسه یه ویرله مشدر .

دعویای تعریف ایچون آناطونه التحاق ایدن ، ما کدونیا نک ،
ته پیرک ئوز تورک اولادینه حالا مهاجر و مبادل اسمنی ویریرکن